

增補新證
卷十一

婦人科

帶門

山陰陳士鐸敬之甫號遠公又號朱華子著述
會稽陶式玉尚白甫號存齋又號
參訂

婦人有終年累月下流白物如涕如唾不能禁止甚則臭穢所謂白帶也夫帶是淫病以帶名者因婦人有帶脉不能約束故以帶名之帶脉通於任督之脉任督病而帶脉亦病帶脉者所以束帶胎之係也婦人無此則難以繫胎故帶脉弱而胎易墮若損傷帶脉則胎必不牢然帶脉損傷非獨跌閃挫氣也行房過於縱送飲酒出於顛狂雖無疼痛之苦其中暗耗則白物自下故帶病尼師寡婦出嫁之女多處子在閨未破瓜之女少也然室女天稟虛弱者亦有此病況加之脾氣之虛肝氣之鬱淫氣之侵火氣之逼安得不患此症哉夫淫盛大衰肝鬱脾虛則脾土受傷淫土之氣下陷是以脾精不守不能化為榮血變成白滑之物由陰門直下欲自禁止而不可得也治法宜大補脾胃之氣少佐之舒鬱之味使風水不閉塞於地中則地氣自升騰於天上脾氣健而淫氣自消方用完帶湯白朮一兩蒼朮三錢甘草一錢車前子三錢山藥一兩陳皮五分人參二錢白芍五錢柴胡六分荊芥五分半夏一錢水煎服二劑輕四劑止六劑全愈此方脾胃肝三經同治之法寓補於升寄消於散開提肝木之氣則肝腎不燥何致下越於脾土補益脾土之元則脾經不淫何難分消夫水氣至於補脾而兼補胃者脾胃表裏也脾非胃氣之強則脾不能旺補胃正所以補脾耳

此症用末帶

湯亦效

雞冠花一兩白朮一兩水煎
二劑即愈鮮雞冠花三兩

婦人有帶下色紅者似血非血所謂赤帶也赤帶亦淫病火熱之故也惟是帶脉係於腰臍之間近於至

陰之地不宜有火不知帶脉不通腎而通肝婦人憂思以傷脾又加鬱怒以傷肝於是肝火內熾下尅脾土而脾土不能運化溼熱之氣蘊結於帶脉之間肝火焚燒肝血不藏亦滲入於帶脉之內帶脉因脾氣之傷約束無力溼熱之氣隨氣下陷同血俱下觀其形象似血非血其實血與溼俱不能兩分之也世人以赤帶屬之心火者悞耳治法清肝中之火扶其脾氣則赤淋庶幾少愈乎方用清肝止淋湯芍藥一兩當歸一兩阿膠三錢生地五錢丹皮三錢黃柏一錢牛膝二錢黑豆一兩香附一錢紅棗十枚水煎服一劑少止二劑又少止四劑全止十劑不再發此方但去補肝之血全不利脾之溼者以赤帶之病火重而濕輕也夫火之所以旺者由於血之衰也補血足以制火矣且水與血合成赤帶竟不能辨其是溼而非溼則溼盡化為血矣所以治血可也何必利溼哉此方純治血少加清火之味故奏功獨奇倘一利其溼反引火下行轉難遽效耳或問先前言助其脾土今但補肝木之血絕不補脾土之氣何也不知用芍藥以平肝則肝氣得舒自不去尅脾土是補肝正所以扶脾何必加人參白朮之多事哉

此症用黃白朮

牛膝一兩車前子三錢黃柏二錢白芍一兩水煎服四劑愈

婦人有帶下而色黑者甚則下如墨汁其氣最腥人以為寒之極也誰知是火熱之極乎夫火色宜紅何成黑色不知火極似水乃假象也其症必然腹痛小便時必如刀觸陰門必發腫而色必紅久則黃瘦飲食兼人口必大渴飲水少覺寬快此命門之火與膀胱三焦之火合胃火又旺四火同煎安得不熬乾成炭色耶此等之症不致發狂者以腎水與肺經之氣涓涓不絕足以潤心而濟胃耳所以飲水下胃但成帶下之症火結於下而不炎於上也治法惟以瀉火為主火退而溼熱自舒也方用利火湯大黃三錢白朮五錢茯苓三錢車前子三錢王不留行三錢劉寄奴三錢黃連三錢炒梔子三錢石膏五錢知母二錢水煎服一劑小便大利二劑黑帶變為白帶三劑白帶亦少減去一半再服三劑全愈

此方未免過於迅利殊不知大盛之時用不得依違之法救焚而少為迂緩則火勢延燒不盡不止令用黃連石膏知母梔之一派寒涼瀉火之味入於大黃之中則迅速掃除又得王不留行與劉寄奴之味利溼甚急俱無停住之機佐白朮車前子茯苓成既濟之功也

此症用清帶

湯亦效
炒梔子三錢黃柏三錢甘草一錢白芍一兩車前子二錢王不留行二錢麥冬一兩玄參二兩水煎服四劑愈

婦人有帶下色黃者宛如黃茶濃汁其氣帶腥人以為脾經之溼熱誰知是任脉之溼熱乎夫任脉本不能容水如何溼氣入於中而化為黃帶乎不知帶脉通於任脉任脉直上走於唇齒唇齒之間原有不斷之泉下灌於任脉使任脉無熱則口中津液盡化為精以入於腎中矣惟有熱以存於下焦之間則津不化精而化溼夫水色白火色紅今溼與熱合欲變紅而不能欲返白而不得煎熬成汁因變為黃色矣黃乃土之色也真水真火合而成丹邪水邪火而合成帶世人以黃帶為脾之溼熱單去治脾此黃帶之所以難痊也方用退黃湯治之山藥一兩芡實一兩黃柏二錢車前子一錢白朮一枚水煎服連用四劑無不全愈凡有白帶者俱可以此方治之而治黃帶尤奏奇功蓋山藥芡實專補任脉之虛又能利水加之白朮引入任脉之中更為便捷所以奏功甚速至所用黃柏清腎中之火腎與任脉相通同群共濟解腎中之火即解任脉之熱矣

此症亦可用解帶

利溼湯治之

白朮茯苓各一兩澤瀉車前子炒梔子各二錢水煎服

婦人有帶下色青者甚則色綠如綠豆汁稠黏不斷其氣亦腥此肝經之溼熱也夫肝屬木木之色屬青帶下流如綠豆之汁明是肝木之病但肝最喜水溼亦水也何以竟成青帶之症不知水雖為肝之所喜執實為肝之所惡以所惡者合之所喜必有違其性者矣肝之性既違則肝之氣必逆氣欲上升溼欲下降兩相牽掣必停住於中焦之間於是走於帶脉從陰門而出其色青綠者正乘肝木之氣也逆

輕者熱必輕而色青逆重者熱必重而色綠似乎治青者易治綠者難然而解其肝中之火利其膀胱之水則帶病自愈矣方用逍遙散加減治之茯苓五錢白朮五錢甘草五分陳皮一錢柴胡一錢白芍五錢茵陳三錢炒梔子三錢水煎服二劑色淡四劑青綠之帶絕不必多劑也夫逍遙散解鬱之方也何取之以治青帶如是之神耶蓋肝經溼熱留之者因肝氣之逆也逍遙散是解肝之逆氣逆氣平則溼熱難留況益之茵陳之利溼梔子清熱肝氣清涼青綠之帶何自來乎此方之所以奇而可用也倘僅治青帶惟以利溼清熱為是置肝氣於不問亦安有止帶之日哉

此症用利肝解

白芍二兩茯苓一兩梔子冠
花五錢炒梔子三錢水煎服

血枯門

婦人有年未至七七之期經水先斷者人以為血枯經閉誰知是心肝脾之氣鬱乎人若血枯安能久延人世醫見其經水不行謂其血枯其實非血枯乃血閉也且經水非血也乃天一之水出之腎經之中至陰之精而有至陽之氣故其色紅赤似血而非血也世人以經水為血此千古之悞倘果見血何不名之曰血水古昔至聖創呼經水者以出於腎經故以經名之然則經水早斷似乎腎水之衰涸吾以為心肝脾之氣鬱者何蓋腎水之生不由於三經而腎水之化實關於三經也腎非肝氣之相通則腎氣不能開腎非心氣之相交則腎氣不能上腎非脾氣之相養則腎氣不能成倘三經有一經之鬱則氣不入於腎之中腎之氣即閉塞而不宣況三經既鬱縱腎水真足尚有格格難出之狀而腎氣原虛何以媾精益滿化經水而外泄邪此經之所以閉有似乎血枯耳治之法必須散三經之鬱大補其腎補腎之中仍補其三經之氣則精益而經自通也方用滋經湯熟地一兩白朮一兩山藥五錢生棗仁三錢當歸五錢丹皮二錢沙參三錢柴胡一錢杜仲一錢人參二錢水煎服連服八劑而經通矣服一月人健不再經閉兼易受孕此方心肝脾腎四經同治之藥補以通之散以開之也倘徒補則鬱不開

而生火倘徒散則氣益衰而耗精設或用攻堅之味辛熱之品不特無益而反害之也

此症用續補

人參二錢當歸五錢白芍三錢柴胡五分麥冬五錢北五味十粒白朮一兩
巴戟天五錢炒棗仁五錢紅花五分牛膝一錢沙參三錢水煎服十劑必通

人有在室未嫁者月經不來腹大如娠面色乍赤乍白脉乍大乍小以為血枯經閉也誰知是靈鬼憑身乎大凡人心正則邪不能侵心邪則邪自來犯或精神恍惚夢裏求親或眼目昏花日中相狎或假戚屬暗處貪歡或明言仙人靜地取樂其先未嘗不驚詫為奇遇而不肯告人其後則羞赧為淫褻而不敢告人矣年深月久人之精血僅足以供腹中之邪邪日旺而正日衰勢必至經閉血枯死而後已欲導其經邪據其腹而經難通欲生其血邪飲其精而血難長譬以為胎而非胎譬以為瘕而非瘕往往有因循等待成癆瘵之症至死不悟不重可悲乎治法似宜補正以祛邪然而邪之不去補正亦無益也必先去其邪而後補正為得耳方用蕩邪丹雷丸三錢桃仁三十粒大黃二錢當歸五錢丹皮五錢生甘草二錢水煎服一劑必下穢物半桶再用調正湯治之白朮五錢蒼朮五錢茯苓三錢陳皮一錢甘草一錢薏仁五錢貝母一錢水煎服連用四劑脾胃之氣轉經血漸行矣前方蕩邪後方補正實有次第也或疑身懷鬼胎必傷其血所以血枯而後經閉也今既墮其胎乃不補血反補胃氣者何故蓋鬼氣中人其正氣之虛可知且血不能驟生補氣自易生血二朮善補陽氣陽氣旺而陰氣難犯尤善後之妙法也倘服補血之藥則陰以招陰吾恐鬼胎雖下鬼氣未必不再種矣故不若補其陽氣使鬼孽難侵生血愈速耳

此症用殺鬼破

水煎服一劑必下穢物半桶再用調正湯治之白朮五錢蒼朮五錢茯苓三錢陳皮一錢甘草一錢薏仁五錢貝母一錢水煎服連用四劑脾胃之氣轉經血漸行矣前方蕩邪後方補正實有次第也或疑身懷鬼胎必傷其血所以血枯而後經閉也今既墮其胎乃不補血反補胃氣者何故蓋鬼氣中人其正氣之虛可知且血不能驟生補氣自易生血二朮善補陽氣陽氣旺而陰氣難犯尤善後之妙法也倘服補血之藥則陰以招陰吾恐鬼胎雖下鬼氣未必不再種矣故不若補其陽氣使鬼孽難侵生血愈速耳

血崩門

一婦人有一時血崩雙目黑暗昏暈於地者人以為火盛動血也然此火非實火也乃虛火耳世人一見

血崩往往用止澀之藥雖亦能取效於一時而虛火未補易於沖擊隨止隨發終年終月不能愈者是止崩之藥斷不可用必須於補之中行其止之法方用固本止崩湯熟地一兩白朮一兩黃芪三錢人參三錢當歸五錢炒黑乾姜二錢水煎服一劑崩止十劑永不復發倘畏藥味之重減去其半則力量甚薄不能止矣方中全不去止血惟去補血且不僅補血更去補氣非為補氣兼且補火何也夫血崩至於黑暗昏暈則血已盡去僅存一線之氣若不即補氣而先補血則有形之血不能速生無形之氣必且盡散此所以不補血而先救氣也然而補氣而不補血則血又不能易生補血而不補火則血且凝滯不能隨氣而速生也况乾姜引血歸經補中有收所以間補氣血之藥並用之耳

此症亦可用補虛寧血湯

當歸五錢熟地一兩黃芪一兩甘草一錢炒黑荆芥三錢水煎服一劑即止崩四劑全愈

一老婦血崩目暗暈地人以為老婦虛極因不慎房勞之故也誰知多言傷氣

不節飲食之故乎

夫老婦原宜節損飲食復加閉口使氣不傷而神旺無奈老婦聞喜事而心開稱譽不肯閉舌未免有不宜言而言者况原有宿疾安肯無言故一發而不可救夫老婦血衰因氣虛之極而不能生也况加之多言耗氣又安能助氣以生血乎氣益衰而血難長矣故任衝大開欲不崩而不可得者治法必止其血也誰知血愈止而愈多以氣衰不能攝血耳方用助氣斂血湯白朮二兩土炒黃芪四兩醋炒三七末三錢水煎服一劑血少止二劑血止四劑全愈此方補氣不補血以氣能止血也加之醋炒芪朮是以酸能救血也加之三七者以其能斷血也然必多服始能愈者以老婦血虧氣衰不大補何以止其耗散之原陽使氣旺以生血乎然此方可以暫止老婦之血不能久旺老婦之氣也另用前方去三七而多加當歸用補血湯朝夕吞服並行為之得到

有老婦血崩者其症亦與前同人以為老婦之虛耳誰知因虛又不慎房幃之故哉婦人至五十之外者天癸墮之原宜閉闕不宜出戰苟台適與草草了事尚不致腎火大動倘與酣浪闕一如少年時鮮不

血室大開崩決而墜矣方用當歸補血湯加味療之黃芪一兩當歸一兩三七根木三錢桑葉十四片水煎服二劑而血止四劑不再發然必須斷慾也設再犯忌未有不重病者也夫補血湯乃氣血雙補之神劑三七根乃止血之聖藥加入桑葉滋其腎中之陰又有收斂之妙耳但老婦陰精既虧用此方以止其暫時之漏實有奇功不可責其永遠之績者以補精之味尚少也服此方四劑之後增入白朮五錢熟地一兩山藥四錢麥冬三錢北五味一錢服三月則崩漏可以盡除矣

此症用閉血

人參白朮各一兩三七根木三錢北五味子二錢水煎服一劑即止
崩漏人參五錢加熟地一兩山藥五錢麥冬五錢再服四劑全愈

有少婦甫受孕三月即使血崩胎亦隨墜入以為挫閃受傷而血崩也誰知是行房不慎哉少年婦人行房亦事之常也何便血崩亦因其氣之衰耳凡婦人氣衰者不耐久戰戰久則必泄精精泄太多則氣益不能收攝夫血矣况加久戰則虛火內動精門不關而血室亦不能閉於是胎不能固內外齊動而血又何能固哉治法自當以補氣為主而少佐之止血之味方用固氣湯人參五錢白朮五錢當歸三錢熟地五錢茯苓二錢甘草一錢杜仲三錢山藥二錢遠志一錢五味子十粒水煎服一劑血止連服十劑全愈此方固氣而兼補其血已去之血可以速生將脫之血可以盡攝凡因虛血崩者此方最宜通治非僅治小產之血崩也茲方不去止血而止血之味已全於中所以可通治耳

人參三錢白朮五錢茯苓山藥麥冬各三錢遠志五分杜仲山藥各二錢阿膠三錢甘草一錢水煎服一劑則愈

有婦人一交感流血不止者雖不至血崩之甚然至終年不愈未免氣血兩傷久則有血枯經閉之憂此等之病成於月經來時貪歡交感精冲血管也夫血管不可精傷凡婦人受孕乃血管已淨之時倘經初來其血正旺彼欲出而精射之則所泄之血盡退而縮入既不能受孕成胎勢必至精精化血遇交感之時淫氣觸動其舊日之精則兩氣相感精欲出而血即隨之俱出矣治法須通其胞胎之氣引精外出益之填精補氣之藥則血管之傷可以再補方用引精止血湯人參五錢白朮一兩茯苓三錢車

前子三錢黃柏五分炒黑乾姜一錢熟地一兩山茱萸五錢炒黑荆芥三錢水煎服連服四劑即愈十劑不再發此方用參朮補氣用熟地山藥補精氣既旺則血管自然流通加入扶神車前利其尿竅尿竅利而血竅亦利矣加入黃柏直入於血管之中引風精出於血管之口再荆芥引敗血出於血管之外益之炒黑乾姜止其血管之口一方之中實有調停曲折之妙故能除舊疾而去陳痼也然既服此藥必須慎房幃三月則破者不至重傷補者不至再損否則亦止可取日前之效耳慎之哉

此症用截流丹亦甚效

茯苓炒黑荆芥車前子各三錢牛膝人參各三錢熟地一兩白朮一兩斷艾一錢肉桂三分水煎服十劑全愈

婦人有懷抱甚鬱口乾作渴嘔吐吞酸而血下崩者人以火治之時而效時而不效者蓋肝氣之結也夫肝主藏血氣結宜血結矣何反致崩漏不知肝性甚急氣結其性更急矣急則血不能藏矣治法宜開鬱為主然徒開其鬱不用平肝之藥則肝氣大開肝火更熾血亦何能止遏也方用平肝止血湯白芍二兩白朮一兩當歸一兩柴胡一錢三七根末三錢甘草二錢丹皮三錢荆芥二錢生地三錢水煎服一劑嘔吐止二劑乾渴除四劑血崩自愈白芍平肝得柴胡而鬱氣盡解白朮利腰膈血無積住之慮荆芥通經絡血有歸還之樂丹皮涼其骨髓之熱生地清其臟腑之炎當歸三七於補血之中行止血之法自鬱散而血止也

此症用針肝藏

血湯亦佳
白芍一兩香附荆芥三七根末各三錢陳皮三分甘草一錢當歸白朮各五錢白芥子一錢水煎調服

婦人有升高墜下或閃跌受傷以致惡血下冲有如血崩者若作血崩治之用止瀉之藥適所以害之也其症必然按之疼痛久則面目痿黃形容枯槁治法須行血去瘀活血止痛則其血自止苟不解其瘀痛即用補澀之品則瘀血內攻痛不能止反致新血不生舊血作祟也方用逐瘀止崩湯大黃三錢生地一兩當歸尾五錢敗龜板三錢芍藥二錢丹皮一錢枳殼五分桃仁十粒水煎服一劑痛輕再劑痛

止三劑血亦全止矣不必服四劑也此方於活血之中佐以下治之藥故逐瘀如掃止血亦如神也此跌閃升墮非由內傷而致其本實不撥去標之病可耳何必顧其本而補其內哉

此症用靈龜散

血湯亦甚效

敗龜板一兩生地一兩大黃一錢丹皮三錢紅
花二錢桃仁十四個水煎服一劑輕二劑愈

人有每行人道經水即來一如血崩人以為胞胎有傷觸之以動其血也誰知子宮血海因熱不固之故乎夫子宮即在胞胎之下而血海又在胞胎之上血海者衝脉也衝脉寒而血虧衝脉熱而血沸血崩之病正衝脉之熱也然而衝脉既熱宜血之日崩矣何必交接而始血來蓋脾與肝之無恙也脾健則能攝血肝平則能藏血人未入房則君相二火寂然不動雖衝脉獨熱血不外泄及至交接子宮大開君相之火翕然齊動鼓其精房而血海泛溢有不可止遏之勢肝欲藏血而不能脾欲攝血而不得故經水隨交而至若有聲應之捷焉治法必須絕慾者三月然後用滋陰降火之藥涼其血海則終身之病可半載而愈也方用清海丸熟地一觔秦某一觔白朮一觔玄參一觔山茱萸八兩北五味三兩麥冬十兩沙參十兩地骨皮十兩丹皮十兩白芍一觔龍骨醋焯二兩山藥十兩石斛八兩各為細末蜜為丸每日早晚白滾水各送下五錢服半年全愈此方補陰而無浮動之虞縮血而無寒冷之害日計不足月計有餘潛移默奪子宮清涼血海自固也倘不治其本源止以髮灰白礬黃連五倍子外治其幽隱之處吾恐愈寒愈流也

此症用清火歸

人參白芍各一兩舊蘇蘇妙灰二錢黃柏末二錢甘草一錢三七根末二錢水煎調服十劑可愈二十劑全愈然必須絕慾事三月否則要犯也

調經門

婦人有先期經來者其經水甚多人以為血熱之極也誰知腎中之水火旺乎夫火旺則血熱水旺則血

多此有餘之病非不足之症也似不藥有喜但過於有餘則子宮大熱亦難受孕恐有燥乾男精之慮太過者損之亦既濟之道也然而火不可任其有餘水斷不可使之不足治法但少清其火不必瀉水也方用丹皮三錢地骨皮五錢白芍三錢青蒿二錢黃柏五分熟地三錢茯苓二錢水煎服此方名為清經散二劑自平也方中雖是清火之品然仍是滋水之味火瀉而水不與之俱瀉則兩不損而兩有益也

此症用損餘

湯亦效

地骨皮一兩茯苓五錢黃柏二錢生地五錢妙
黑荆芥三錢玄參五錢水煎服四劑而經調矣

婦人有先期經來其經水止有一二點人亦以為血熱之極也誰知腎中火旺而陰水虛乎先期者火氣之冲多寡者水氣之驗故先期之來多火熱而水有餘先期之來少火熱而水不足倘一見先期俱以為有餘之熱但瀉火而不補水或水火兩瀉如何不增病哉治法不必瀉火專補其水水足而火氣自消方用玄參一兩生地一兩白芍五錢麥冬五錢阿膠三錢地骨皮三錢水煎服連服四劑而經調矣方名兩地湯以地骨生地同用耳二味俱能涼骨中之熱也骨中之熱由於腎中之熱涼其骨髓則腎氣自寒又不損傷胃氣此治之巧也況所用諸藥純是補水之味水盛而火安得不平乎此條與上條並觀斷無悞治先期之病矣

此症用加味純

陰湯亦效
熟地玄參麥冬各五錢山茱萸二錢北五味子一錢丹皮五錢水煎服可用十劑經水自多

婦人有經來後期而甚多者人以為血虛之病也誰知非血虛也蓋後期之多少實有不同後期來少血寒而不足後期來多血寒而有餘夫經水雖本於腎而其流則五臟六腑之血皆歸之故經一來而諸血盡來歸附以經開而門啟不遑巡閱諸血乘其隙而皆出也但血既出矣則成不足之症治法宜於補中溫之非曰後期者俱不足也方用溫經攝血湯白芍一兩川芎五錢肉桂五分熟地一兩白朮五

錢續斷一錢五味子三分柴胡五分水煎服二十劑經調矣此方大補腎肝脾之精血加肉桂以祛其寒加柴胡以解其鬱是補中有散而散非耗氣補中有瀉而瀉非損陰所以受補之益收溫之功也是方凡經來者後期俱可用誠調經之妙藥攝血之仙丹也倘人元氣虛加入人參一二錢未為不可耳

此症用溫帶益

熱地一兩白朮杜仲各五錢肉桂一錢茯苓人參各三錢水煎服

婦人有經來斷續或前或後無一定之期者人以為氣血之虛誰知是肝氣之鬱結乎夫經水出諸腎經肝為腎之子肝鬱則腎亦鬱腎鬱而氣自不宣前後之或斷或續正腎氣之或通或閉耳雖然肝氣鬱而腎不應未必至於如此然子母關切之病而母必有顧復之情肝泄而腎自有繼緒之誼肝氣之或藏或閉即腎氣之或去或留有相因而至者矣然則治法舒肝之鬱即所以開腎之鬱也即所以定經水之流也方用定經湯白芍一兩當歸一兩熟地五錢山藥五錢虎絲子一兩柴胡五錢荊芥炒黑一錢茯苓三錢水煎服二劑經水淨四劑經期定矣此方舒腎肝之氣非通經之藥也補肝腎之津非利水之品也腎肝氣舒而經通肝腎津旺而水利不治之治正妙於治也

此症用順經

香附生地茯苓白芍各三錢當歸一兩白芍一兩車前子二錢神曲甘草各一錢水煎服十劑自調

婦人有數月一行經者每以為常且無或先或後之異又無或多或少之殊人以為異而不知非異此乃無病之人氣血兩不虧損耳婦人之中有天生仙骨者經水必四季一行蓋以季為數不以月為盈虛也婦人之經水不泄則黃河便可逆流真氣內藏則坎中之陽不損倘加以煉形之法一年之內便易飛升無如世人不知煉形之法見經水之不來誤認作病妄用藥餌往往無病而成病余聞異人之教特為開揚使世人見此等行經在不必治之列萬勿疑為氣血之不足而輕施醫療也雖然天生仙骨之婦世正不少而嗜慾深者天分損也又不可不立一救療之方方名助仙丹白朮三錢茯苓五錢甘

草一錢山藥三錢陳皮五錢白芍三錢杜仲一錢兔絲子二錢水煎服二四劑而仍如其舊不可再服此方平補健脾益腎解鬱消痰不損天然之氣血便是調經之大益何必用重劑以助火用熱藥以通經哉

此症用肝腎雙

治湯亦佳

白芍三錢當歸山藥熟地各五錢甘草五分陳皮三分茯苓山藥各二錢神曲一錢水煎服自然如期矣

婦人至五十之外或六七十歲者忽然行經或如紫血之塊或如紅血之淋人以為老婦行經是還少之期誰知乃血崩之漸乎婦人至七七之外天癸已窮又不服補陰濟陽之藥如何能使精滿化經一如少婦乎不宜行經而行經者乃肝不藏血脾不統血也非泄精而動命門之火必氣鬱而發龍雷之炎二火發動血乃奔失有似行經而實非行經也遇此等之病非大補脾肝則血不能驟止然而補脾脾者不可全補血以止血尤當兼補氣以止血也方用安老丹人參一兩黃芪一兩熟地一兩山藥五錢甘草一錢木耳灰一錢當歸五錢阿膠一錢香附五分荆芥一錢白朮五錢水煎服一劑少減二劑又減四劑全止十劑全愈此方補益肝脾之氣氣足自然生血且能攝血也況且大補腎水腎水足而肝氣益舒肝氣舒而脾氣得養肝藏血脾統血安有漏泄乎血既無漏泄之失何慮於血崩乎

此症亦可用此方

調經散治之

人參三七根末各三錢白朮當歸黃芪各一兩生地五錢水煎服一劑止四劑即愈

婦人有經水忽來忽斷時痛時止往來寒熱人以為血結之故不知乃肝氣不舒耳夫肝屬木最惡者寒風也婦人行經則腠理大開適逢風吹則肝氣閉塞經水之門亦隨之而俱閉於是腠理經絡各皆不宜而作寒熱氣行於陽而熱生氣行於陰而寒生也然此猶感寒之輕者倘外寒更甚則內熱益深往往有熱入血室變為似狂之症一如遇鬼之狀今但往來寒熱是寒未甚而熱未深耳治法補肝中之血通鬱而散其風則病隨手而效也方用加味四物湯熟地一兩川芎二錢白芍五錢當歸五錢白朮

五錢甘草一錢延胡索一錢丹皮三錢柴胡一錢水煎服此方用四物以滋脾腎用柴胡白芍丹皮以宣揚風鬱用甘草白朮延胡利腰膈以和腹痛入於表裏之間通於經絡之內用之得宜自然奏功如响也

此症用開結

柴胡續斷神龜各一錢香附川芎丹皮各三錢當歸熟地各一兩白朮五錢甘草一錢水煎服十劑全愈

婦人有經前疼痛數日後行經者其經水多是紫黑之塊人以為熱極也誰知鬱極而火不能化乎夫肝中有火鬱則不揚經欲行而肝氣不應則拂抑其氣而痛生然經滿則不能內藏肝中火氣焚燒內逼經出而火亦隨之而怒泄其色紫黑者水火兩戰之象也成塊者火煎成形之狀也經失其為經正鬱火內奪其權耳治法似宜大瀉肝中之火矣然瀉肝之火不解肝之鬱則熱之標可去熱之本未除也方用宣鬱調經湯白芍五錢當歸五錢柴胡一錢香附一錢鬱金一錢丹皮五錢白芥子二錢甘草一錢黃芩二錢炒梔子三錢水煎服連服四劑下月斷不先腹痛而後行經也此方補肝之血又解肝之鬱利肝之氣又退肝之火所以奏功如神耳

此症用香草

散亦佳

香附茯苓各三錢玄胡索甘草神龜天花粉各一錢炒梔子黃芩各二錢白朮生地麥冬各五錢陳皮五分水煎服

婦人有經後小腹作痛人以為氣血之虛誰知是腎氣之滯乎夫經水乃天一之水滿則溢空則虛亦其常也何以虛能作痛哉蓋腎水一虛則水不能生肝而肝必不旺於脾土土木相爭而氣逆故作痛也治法亦須舒肝氣為主而益之補腎之味則水足而肝氣益安矣方用後調湯阿膠三錢荆芥三錢巴戟天一錢山藥五錢白芍三錢當歸三錢甘草一錢山茱萸三錢水煎服此方平調肝腎既能轉逆於須臾尤善止鬱痛於頃刻經後以此方調理最佳不止治經後腹痛也

此症用填經止

痛丹亦神

熱地二兩山茱萸五錢山藥三錢甘草一錢肉桂五分水煎服

婦人有行經之前一二日忽然腹痛而吐血人以為火盛之極也誰知肝氣之逆而不順行而上吐乎夫肝之氣最急宜順不宜逆順則氣安逆則氣動血隨氣而俱行若經逆從口上出乃少陰之火急如奔馬得肝中龍雷之氣直冲而上其勢最捷反經為血又至便也不必肝不藏血始成吐血之症但此等吐血不同各經之吐血各經吐血乃內傷而成此逆經吐血者乃內溢而激之使出也其症絕有異同而逆氣則一也治法似乎治逆以平肝不必益精以補腎雖然逆精而吐血雖不損夫血而反覆顛倒未免傷腎之氣而血又上泄過多則腎水亦虧必須於補腎之中以行其順氣之法也方用順經湯當歸五錢白芍三錢熟地五錢茯苓三錢牛膝三錢丹皮五錢沙參三錢荆芥炒黑三錢水煎服一劑吐血止二劑經順連服十劑不再逆經也此方於補腎補肝之中用引血歸經之藥肝氣不逆腎氣自順也腎氣既順經何能逆哉

此症用順肝藏血丹亦效

白芍當歸熟地各一兩荆芥炒黑三錢牛膝人參茯苓各二錢柴胡五分烏藥五分澤瀉一錢水煎服二劑即順而行矣

人有經水將來三五日前臍下疼痛狀如刀刺寒熱交作下如黑豆汁既而經來因之無娠人以為血熱之故誰知是下焦寒溼相爭耶夫寒溼之氣乃邪氣也婦人有任衝之脉居於下焦衝脉為血海任脉主胞胎為血室皆喜正氣之相通最惡邪氣之相犯經水由二經而外出若寒溼之氣彌滿於二經之外熱必兩相爭而作疼痛矣邪感正衰寒氣生濁下如豆汁之黑者見北方寒水之象也治法利其濕而溫其寒衝任無邪何至搏結作痛哉方用溫臍化溼湯白朮一兩茯苓三錢巴戟天五錢山藥五錢扁豆三錢白朮十枚蓮子三十粒連心用水煎服然必須經未來前十日服之四劑而邪去經調謙可種子也此方用白朮以利腰臍更用巴戟白朮以通任脉再用山藥扁豆蓮子以衛衝脉故寒溼盡去經水自調矣倘疑腹痛為熱邪之作祟妄用寒涼則衝任虛冷血海變為水海血室成為水室毋論艱

於生育疼痛何有止日哉

此症可用木

桂草玄丹

白朮二兩肉桂一錢甘草一錢
玄胡索一錢水煎服一劑愈

婦有經水過多行後復行面色痿黃人倦無力人以為血熱之故也誰知血虛而不歸經乎夫血旺則經多血少則經縮然血歸於經雖血旺而經亦不多血不歸經雖血衰而經亦不少世人以經水過多為是血旺此治之所以錯也惟多是虛故再行而不勝其困乏血損精散骨中髓空不能華於面也治法大補其血之不足引其歸經寧有經後再行之病哉方用四物湯加味治之熟地一兩川芎五錢白芍三錢當歸五錢荆芥三錢山茱萸三錢白朮五錢續斷一錢甘草一錢水煎服四劑血歸經矣十劑之後加人參三錢再服十劑下月行經適可而止不再行也四物湯乃補血之神藥加白朮荆芥行中有利如山茱萸續斷止中有補加甘草而調和得宜所以血定而歸經經歸而血淨也

此症用加味補血湯亦佳

當歸黃芪各一兩荆芥三錢白朮五錢水煎服四劑人健十劑全愈

婦有行經前先瀉三日而後行經人以為血旺之故也誰知是脾氣之虛乎夫脾統血脾虛則氣不能攝血矣且脾屬溼土脾虛則土不實而溼更甚經水將動而脾氣先不能固脾血欲流注於血海而溼氣先乘之所以先瀉水而後行經也調經之法在先補其氣蓋氣旺而血自能固亦氣旺而溼自能瀉方用健固湯人參五錢茯苓三錢白朮一兩巴戟五錢薏仁三錢水煎服連服十劑而經行不瀉矣此方補脾氣以固脾血則血攝於氣之中脾血自盛自能運化其溼溼既化為烏有何能作瀉哉

此症用米苓固脾飲亦佳

白朮一兩茯苓人參山藥芡實各五錢肉桂五分肉豆蔻一枚水煎服經未瀉前服此則不瀉矣多服為妙

婦人有行經之前一日大便秘血者人為血崩之症也誰知經入於大腸乎夫大腸與行經之路徑各別

何以能入於其中乎蓋胞胎之系上通心而下通腎心腎不交則胞胎之血兩無可歸心腎二經之氣不來照攝聽其自便血乃不走小便而走大便矣治法單止其大便之血則愈止而愈多反擊動三焦之氣拂亂而不可止蓋經之妄行原因心腎之不交今不使心腎之既濟而徒安其胞胎則胞胎之氣無所歸而血又安有歸經之日哉故必須大補心腎使心腎之氣接而胞胎之氣不散則大腸之血自不妄行也方用歸經兩安湯人參三錢當歸五錢白芍五錢熟地五錢山茱萸二錢巴戟天一錢白朮五錢麥冬五錢荆芥炒黑三錢升麻四分水煎服一劑血止三劑經止兼可受娠此方大補心肝腎三經之藥全不去顧胞胎而胞胎有所歸者以心腎之氣合也心腎虛而氣乃兩分心腎足而氣乃兩合心腎不離而胞胎之氣聽令於二經之靜攝安有亂動之形哉然則補心腎可也何兼補大肝水耶不知肝乃腎之子心之母也補其肝血則肝氣往來於心腎之間自然上引心而入於腎下引腎而入於心不啻如介紹之歡也

此症用如神效
術方散亦神效
當歸白朮生地各一兩川芎五錢升麻
一錢一劑即止血而經行矣二劑全愈
受妊門

婦人有瘦怯身軀久不孕育一交男子臥病終朝人以為氣虛之故也誰知血虛之故乎夫血藏肝中精涵腎內若肝氣不開則精不能泄及精既泄肝氣益虛以腎為肝之母母既弱精不能分潤以養肝木之子而肝燥無水則火且暗動以燦精腎愈虛矣況瘦人多火又加泄精則水益少而火益熾水難制火腰腎空虛所以倦怠而臥也此等之婦偏易動火然而此火出於肝木之中又是雷火而非真火不交合則已交則偏易走泄陰虛火旺不能受胎即偶爾受胎逼乾男子之精有隨種而隨消者也治法必須大補腎水平其肝木水旺而血亦旺血旺而火盛是也方用養血補心湯熟地五錢白芍五錢當歸五錢茯苓二錢山茱萸五錢甘菊花一錢丹皮二錢山藥三錢杜仲二錢牛膝一錢水煎服一月方